

Frouen im Parlamänt

Text und Musik
Jacob Stüchelberger

Tango

Chum zien es paar Frou-e i dsPar-la-mänt y da wett i gärn
ou e Rats-herr jitz sy jitz si doch di He-re vil wei-cher im
Ton chunnt das ächt vo de-re Ko-e-du-ka-tion?

Frouen im Parlamänt

1. Chum zien es paar Froue
i ds Parlamänt y
da wett i gärn ou e
Ratsherr jitz sy
jitz si doch die Here
vil weicher im Ton
chunnt das ächt vo dere
Koedukation?
2. Es schwingt i der Sphäre
d'Erotik jitz mit
di Liebesaffäre
wos da albe git
so schrybe si Zedeli
d'Ratshere z'Bärn
wo druf steit: oh Hedeli
ha di so gärn
3. E Ma vo dr SVP
gratet in Not
es macht ne es Sozi-
fröilein füzündtrot
und hets ganz e Nätti
ir Freisinnfraktion
wott als mit däm Käthi
i ei Kommission
4. Das sy mer Sessione
da wird unbeschwärt
i Form vo Motione
sech d'Liebi erklärt
underem Püttli
da gä si sech d'Hand
und drücke sech hinden
ar Wand umenand
5. So wird ds Bundeshus
i bi nid überrascht
wäg däm Flirte und Gschmus
zum ne Liebespalascht
zwar eine het gseit:
das mach ihn nid muff
denn so oder so syg dert
innen es Puff